

王文端公尺牘

王文端公尺牘卷之六

山陰對南王家屏者

書

寄趙潞陽相公

弟亦綴顏行輩同氣誼同冀勉分猷念共休明而
誠匪積乎安意補寰宇天之事一言忤旨九死危身
遂肇竊推罪寔自取幸蒙聖恩浩蕩放使歸田得無
父汗簪紳重累此是度國 此山色相遊誠不意病
骨驚寬復有稅鞅之所也惟是朝綱久替時事多艱

鎮定解紆獨勞神慮不佞身爲其君而遺門下以難
即寘伏燬巖而自其負友之罪終無所逃固不敢謂
去國足以成名施擔足以塞責也所恃新建之徵章
且至太倉之勸駕方幾門下刻期一德而表交誼互
斷太平之業計日可興某雖病且憊及茲覲求光沾
承餘潤含膏擊壤孰非膏潤之明乎行將致枉軀
車不辨而發中心有遲遲之言從計中則惻惻書贈
慕不盡依依

荅鄭東里年丈

不佞某兄事老丈垂二十載自謂舉同籍學同館仕
同朝契分綢繆無與比而乃茲又隸部下背所齒
而今媿我矣甚幸顧所以誦述不佞第俾無忝於
教以終二十載綢繆之誼茲述此荅言不忍以
此以親而某之耳則年已七十矣

嚮往也無使人謂老丈一館第不能化化齊民乎第
令飾以美褒寵以華貺以是爲愛而已白頭如新何
所貴於廿載之誼請教左右適拜書使之辱因遂布
其腹心如此願時時賜之箴誨無視爲套語也願佇
顙佇

荅蔡龍暘年丈

拓疆易守疆難守疆而無後患尤難田州東蘭互爭
疆土不可以虞芮平之明甚而况叛目占據竊料漁
人之功亦未易收也第令收之改流設土增兵置餉
恐非斬獲二州之田百石之粟可辦得不償失利不

酬害誠在已而況取不能守守不能完啓釁搏爭
紛紜未已可無慮耶承教謂宜許歸田州令其以夷
攻夷雖有後事我勿與知此我中國御夷大體非獨
權利害校得失而知其不可也惟翁臺毅然主張無
徇小利拘成議封疆幸甚

荅范涵虛年丈

數年以來國多忌諱之禁縉紳士大夫慮亡不三緘
其口以象金人而我輩二三兄弟意氣激卽時有所
持論不習骯髒則權地仄口久矣長孺淮陽蕭傳馮
翊直道見疎無足爲老丈所嘆者所恨十五年鴈行

魚貫之侶。分星散。相繼離。居夕佩晨吟。豈堪寒落
之感。幸茲官府。興華絃轍。一更正士。端人靡不彈冠。
相慶。念惟高標亮節。嶽峙林廟。堂珍其利。儀世道。
賴以砥柱。賜環非遠。擇袂可期。凡我同袍。正茲延佇。
太史履舄。安能久滯。漳南乎。翁某不才。瓦全自媿。頃
復邂逅。屢與微言。愈遠。循省分涯。寔虞非據。且宿痼
時作野性。難關會當。委繯脫銜。逃西山而長往。恐不
及待徵輪之人也。奈何。

荅張洪陽年丈

弟自銜恤西還。日翹首相。麻以爲旦。夕爰立太平之

慙且霜及草土廢人也而竟輟直以去難進之指第
所稔知無俟臆度獨念莫肯夙夜莫肯朝夕詩人所
憂第卽竊跡先逃而正士離居安能不爲世道慨也
湖山之間丹烟綠鶴創氣紆軀知爲翁丈承娛之地
居珍之所第思慙焉鳥跡謝冥鴻出旣認悠處復狼
狽媿生平道義多矣然轍鮒易足本無過求鷗鷺早
栖頗能自適或亦翁丈深諒也晚節令終相期白首
敢佩服斯訓永矢弗渝惟是創痛餘寬摧以宿疾不
獲遽從杖屨華汗漫之游爲愧耳力疾草草不盡萬

又

教時事謂以同異爲毀譽以毀譽爲用舍茲弊已
久前書繆謂家宰君子也可以公正服之平淡調之
慮其執持之過矯弊任情或與內閣齟齬耳今乃以
推避爲高而使司官執命夫使司官執命者無所不
乖張無所不齟齬矣蓋內閣猶梁九卿猶柱柱直梁
平柱先軟矣卽有合抱之梁不能使牆壁不敬椽瓦
不壞也今九卿未必皆得人得一冢宰一總憲有力
豈有擔當者把捉得住鋪排得來毀譽必不能撓用
三同異必不能亂毀譽也執政今日誠萬分苦心千

貨子弟非不仰體正爲弟淺中弱植不能勝任債
而歸在翁丈與元老却須寧心忍耐極力調停有
一意思方可來書乃謂元老平氣虛心尚難挽回
能裁斷夫虛平是相業第一義正須用之裁斷除
裁斷無處見虛平今何能便說挽回且丟開挽回
算虛平不已終當挽回也就如冢宰推避且
避之過包涵諒道倚任責成能使之不
因他推避自亦推避誰當任者旣已
當非周孔所不能免只要內裏
恰好特毀譽終較少

未猶不免於毀譽而我之裁斷不差虛平一念到了
無玷缺也第此言正如楚夫論步敗軍語勇徒取譏
笑道義骨肉之前不能不傾倒耳

荅賈石葵年丈

身狹以清事自甘非據俯微之慙厭青恒塲更歷三
時日惟走望對鏡照面早魃自猜測曰其能調燮投
劾求免未獲又從會官上落成槩蒙敘資欲同登龍
食比畫墁內自媿矣忝臺下道義至愛辭受進退大
節所關貪昧之羞良朋所爲割席也不蒙譙讓重以
寵褒嘉我樹檀忘其維樗豈中丞風裁方用之於激

揚不暇圖切憫之誼乎然濶久得奉德音是爲快耳
肅此附謝神與俱往

荅朱明虹年丈

虜酋遣調部落移帳西行名曰搶番情寔叵測特鄭
範溪公駐師湟中調度堵防可無他慮第與督撫意
見不合互爭議論不佞大以爲非經畧之體夫經畧
兼制七鎮經畧所不可者七鎮必不能專而七鎮所
議以爲可者經畧亦須常聽聽之而料量時勢裁酌
機宜緩急後先惟所指置則用其策而七鎮得効其
長不用而七鎮亦不耻其短也此爲大而能容七鎮

乃可以制七鎮耳顧持款之是以拒戰之非我單言
款猶彼之單言戰也東牆西壁偏阿正同何能相下
不相下則爭爭則不和不和何能濟事故西事之矛
盾不獨葉中丞偏言征剿關於機宜而鄭公亦未爲
知大體也夫戰守和三字猶五味之酸鹹甘苦相資
爲用缺一不能即戰非其時亦須收存其策以備一
著兵家先聲後實今以戰爲聲以和爲實孰得而窺
我之用乎不務集羣策以屈羣力而欲執一味以當
五味此葉中丞之所以不服而繼之以爭也蓋既違
其長又暴其短事勢之道相激使然雖謂鄭公不善

用葉公可焉卽今唇銛舌劍人人自謂知兵不佞誠
切齒恨之而當事者又不務鎮定省口以辯禦辦以
爭息爭爭辯紛紛何時可已承教慎封守備器械練
營伍足糧餉四事皆防邊禦虜要務四事修舉可戰
可守可和此不言而坐勝之術也何爭議之有恃愛
妄談不覺煩瑣

荅劉兩峯年丈

承教時事竊謂東山一出遂蒙小草之譏深源未行
曾繫蒼生之望人之清濁無恒操而世俗取舍亦無
定評總之駕車者寵戴至者辱當共驢未泚且故之

日固與皐夔比譽是何可以卒乎金世賢豪
廟堂用人自應不錯耳謬蒙褒藉比擬過踰愧負欲
死獨所云道泰年豐誠夙夜私願而夷情邊事尤桑
梓隱憂幸仗臺下威靈城守軍容精采百倍以息討
伐於彼而偃甲兵於此泰疆晉塞禔福惟均社稷蒼
生託力不細又何但不肖其辱焉病憊之軀私其惠
顧之恩已哉縷縷欲言伏枕不盡

荅朱金庭年丈

羅生使者至恭諭台履清娛竊慶天佑相師太平之
符於是焉在而又自幸獲延游息得乘麟羽之便又

及一奉起居也卒卒不遑覲縷惟是年來天災物異
紛見疊出而人心積玩國事日墮章疏留中以爲常
卿寺虛席而不補所急者惟礦金店稅與沒官之產
耳至於島夷狂逞奄及門庭而廟算悠悠尚無成議
方且脩城建署設將增官奴使朝鮮攘其資藉竊恐
倭未至而朝鮮已不勝其敝勢將折而入倭而我師
亦不能獨完矣奈何哉杞人之憂如此諒亦翁丈猷
慮所及誠不意主上聰明仁聖我輩嚮所交口而頌
堯舜之資者一旦鮮終至此每一追惟輒欲慟哭所
願天啓宸衷翻然開悟蚤徵舊學早圖新猷文即

抱道至高寧忍不爲社稷蒼生一出得見翁丈出者
弟病且死有餘快焉懸企懸企誠切誠切

荅邵梅墩年丈

頃特翁丈道義至愛謬以杞人之憂上請提誨極知
褊淺顧今時事一變主德亦一變上下隔閡中外參
差之狀有難以一二數者卽如章疏入內或經旬彌
月不下或屢請然後下或竟不下下而更無所可否
漫然留漫然發之而已綱紐如斯國事安從而理譬
之人身痿痺之疾也內庭舉動復多嫖嫖操下更苛
外疎於政而內詳於刑寔失常度矣故弟以爲主德